



علم، صنعت و اخلاق دارُ هفتقلی مجموعہ

هفتقلی و صاحبخانه

خلق تربیسی

ملکتمزده، ایک دفعہ، مسلکی بر جمعیت اولہرق مطبوعات جمعیتی شکل ابتدی. واقعا، مشروطیتندن بری مسلکی عنوانلرله بر طاقم جمعیتلرک تشکلی کوردک. فقط، بونلرک هبسی، مسلکی بر زمرہنک وظیفہلرنی تعین و مراقبہ مقصدندن زیادہ، حق و منفعللرنی آراقم املیلہ تشکل ایدیوردی. بوندن دولاییدرک هیچ بریسی دواملی اولہمدی. بوکونکی مطبوعات جمعیتی، غزتلرک، مجموعہلرک اخلاقی وظیفہلرنی تعین ایندکدن صوکر ا «کلک جزمہلرنی مراقبہ ایتہسی، قیلندن اولہرق، مسلکی اخلاقندن اوزاقلشان غزتلہ یاخود غزتلہجینی وظیفہ دعوت ایتک مقصدیلہ تشکل ایدیور. بوندن دولاییدرک بوجیتک تشکلی، مطبوعاتمزده آجیلہجی بکی بردورہ مبدأ کی تلقی ایدیور.

مطبوعاتک وظیفہلرندن بحث اولونجه، ابتدا خاطر مزہ کلن وظیفہ، (خلق تربیسی (démopédie) اولور. ده موقرات بر ملت، هر خصوصہ خلقہ استاد ایدن بر جمعیت دیمکدر. بویہ بر جمعیتک هر شیدن اول محتاج اولدینی تشکیلات، خلق تربیسنہ عائد تشکیلاتدر. بو تشکیلاتده، غزتلہر مجموعہلر، قوقرائنس هیئتلری، معلملر، عالملر، صنعتکارلر، مرکب جمعیتلرله دارالفنوندر. کورولورک بو تشکیلاتک اینجده غزتلہر ایہ مجموعہلر بویوک برومق اشغال ایدیور. او حالده، مطبوعات جمعیتی دولایسیلہ، خلق تربیسنندن - براز اولسون - بحث ایدہ بیلیر.

برملتلی اداره ایدن مادی حکومتندن باشقہ، برده معنوی حکومتی واردرک، ملتک مشترک دیونلرندن، مشترک فکرلرندن عبارتدر. بر جمعیتده بو مشترک دیونلر مشترک فکرلر موجود دکلسہ، مادی حکومت نہ ایستہنیلان انضباطی، نہ ده

ایستہنیلان حریتی تأمین ایدہ بیلیر. حریتکده، انضباطکده کوکولری بو مشترک دیونلرده و مشترک فکرلرده در. مادی حکومت، آتجیق بومعنوی حکومتہ استاد ایدہرک هم حریتی صیانت، هم ده انضباطی ادامہ ایدہ بیلیر.

مشترک دیونلرله مشترک فکرلر ملتک روحده شعورسز بر صورتده موجوددر. بونلری شعورلی بر حالہ کتیرہجک اولانلر، ملتک صنعتکارلری، عالملری و متفکرلریدر. بو بوکزیدہ ذکالر، ملتک دینی، اخلاقی، بدیی دیونلرینی، وجدانلرینی، ذوقلرینی کشف ایدہرک میدانه قویہ جقلر و بونلرندن ملتک هر تورلو مفکورهلرله اجتماعی پروگرامی جیقصادہ جقلردر. ملتک فردلری، شعورسز اولہرق مشترکا، یاشادقلری اجتماعی وجدانی، شعورلی بر صورتده برابرجه یاشامہ یاشانجه، آرتق ملت انحطاطندن قورتولاش، ملی مفکوره و سچیسنہ تملک ایتیش اولور. بر ملت، دینی، اخلاقی، بدیی مفکورهلرینی یالکز کندی قلیلہ سزوب دوین، اجتماعی فلسفہسنی، حیات و کائنات حقده کی تلقینی کندی مفکوره سیلہ دوشونوب آکلایان مستقل بر شخصیت دیمکدر.

صنعتکارلر، بو دیونلوری مشخص بر صورتده دویہرق ترم یاخود ترسیم ایدرلر؛ عالملر ایسہ، علمک مثبت و شینی اصوللریلہ، بو ملی دیونلرلری و دوشونولاری کشف ایدرک سببلرینی و ایضا ایندکلری وظیفہلری اراہہ ایدرلر. بناءً علیہ خلق تربیسی، آتجیق صمیمی برصنعت، مثبت بر علمہ استاد ایدہ بیلیر.

ملی صنعتکارلر، ملتک قلاب حکمندہ، ملی عالملر ایسہ ملتک ذکامی مایہتده درلر. خلق تربیسنی، عوامقربلبلکندن فرقل کورمہین، کونستاولوبون کی محررلر، خلقک علندن و عقلندن زیادہ حسلہ تابع اولدینگی ایلری سوردهرک، برطاقم فائدہلی موہومہلرک خلقہ تلقین ایدلہسنی (خلق تربیسنہ)

اجتماعيات

شخصي اخلاق

اجتماعي اخلاق ، حقيقي اخلاق اولديني حقهده كئيرچكمر دلبلاردن بريده ، زهدي اخلاق اساساً اجتماعي اخلاقدن عبارت اولميسيدر . زهدي اخلاق اساسي اولان قدست ، معشري وجدانك حائر اولديني منكورو ماهيمدن عبارتدر ؛ ابتدائي جعيتلرده ، اجتماعي تسانده يالكز بو معشري وجدان واسطه سيله موجود اولور . قدستي اخلاق ايدن حراملر ، معشري وجداني جريعه دار ايدن جنايلر قيلدن اولديني كي ، قدستي اكمل ايدن واجبلرده ، معشري وجداني تقويه ايدن مكلفتيوك عئيدر : عسكركل مكلفتي ، تحصيل مكلفتي ، وركي مكلفتي كي . بوندن دولاييدرك زهدي اخلاق ، حاكم اوله يلدكي دورلرده ، غايت قوتلي بر اجتماعي تساند حصوله كئيرير . مع مافيه ، زهدي اخلاق يرينه اجتماعي اخلاق قائم اولسي ، اخلاق ماهيمت اعتباريله بويوك رتبده ل اوغرامه سي دمك دكلدر . بو تحول ، يالكز ، اخلاق تمثالي وسري بر ماهيمت اولان تلقيلري يرينه اصلي وعقلي تلقيلريك قائم اولميسدن عبارتدر . بناءً عليه ، جميتك تامباندن بري جاري اولان اخلاق ، اجتماعي اخلاقدر . شو قدر واركه زهدي اخلاقده موقعي اولان بر جوق قاعده لر ، اسلك تمثال يرينه قائم اوله سيله ، اجتماعي اخلاقده ، آرتق موجود قالماز . بوندن باشقه ، اجتماعي اخلاقده ، اولجه زهدي اخلاقده بولونيان يكي بر جوق قاعده لرده انضام ائمشدر :

اخلاق ، فردلري نفسي فداكارلقلره سوق ايدن بر طاقم قاعده لر دن عبارتدر . اجتماعي اخلاق اساسي ، بوفداكارلقلره غايه اوله رق اجتماعي زمره لر طابقدر . زهدي اخلاق ، تمثالي ، اصل يرينه اقامه ايتديكي ايچون ، جميتك خارجنده اولان بر طاقم اسبابي ، اخلاقي فداكارلقلر غايه لر عد ايدر . انسانلر ، مختلف دورلرده حيوانلري ، نباتلري ، ساجه كي اجرائي الى آخره منسوب اولديني اجتماعي زمره لر تمثال تلق ائش و اخلاقي فداكارلقلرينه اولنري مشكوروه غايه ائخا ائمشدر . حال بوكه ، بونلر ، عموميتله اجتماعي زمره لك سئجاقلري ، تمثاللري اولق دولاييسيله قدسي رماهيت اكتساب ائمشلردى .

اجتماعي زمره لر معين زمره لر وغير معين زمره لر نامليله ايكي يه آيريلير ، معين اجتماعي زمره لر باشليجه سياسي زمره ، مسلكي زمره و عالله ايله مدنيت زمره سندن عبارتدر . بودرت

اساس اوله رق قبول ايديرلر . كوستاولويون ، حتى اقتناع غرامرني بيله يامش و بو دورت دستورده اجمال ائمشدر : تصديق affirmation ، تكرر répétition ، اعجاز prestige ، سرعان contagion .

لويونه كوده ، ذكي بر فرد ، جميته نافع كوردكي بر موهومه ني - چونكه اوكل نظرأ جعيتلر آئيق موهومه لره ايناعقله يشايه بيلير - قوتلي بر صورتده تصديق و تكرر ايدرسه وكندينه اعجاز نامين ايدمك بر طاقم ره قلاملر ياراسه بو موهومه ني عمومه سريت ايتديره بيلير . ايسته لويون ، بوتون كتابلارنده بو نظريه سي تطبيقه چالشمش ، يعنى فائده لي ظن ايتديكي بر طاقم موهومه لري تصديق و تكرر ائش ، ونورلورتلو ره قلاملره برستيز قازانمچالشمشدر . فقط خلق اوزرنده هيچ بر تائير حصوله كئيره ميمه سي كوستريبوركه خلق تربيه سي ايچون ترتيب ايتديكي رچته تائيرسز ائش . بواصول ، تحريكات agitation يايقي ايستين بر طاقم عوامفرييلر ايچون ، موقاً ايشه يارايه بيلير . فقط ، هيچ بر زمان ، ملكت تربيه سيله جدى بر صورتده مشغول اولق ايسته بيلر طرفدن قوللانيلما . ماليدر . حقيقي بر تربيه ، آئيق مثبت علملك نامليله هيچ بر زمان صارسيلمايه جق مثبت وشئي اساسلره استاد ايدم بيلير . خاق ، اساسسز موهومه لره ، بلكه ، برآن ايچون اينانه بيلير . فقط ، بركره آلدانديني آكلانجه آرتق ، آلدانلرك سوزينه هيچ بر قيمت ويرمز . حال بوكه جعيتلر اساسسز موهومه لره اينانه رق دغل ، اساسي مفكورلره باغلانهرق بوكيلر . ابتدائي جعيتلرك ، ياخود خلق مفكورلر دوشونوشلري بزمه موهومه صورتنده كوريبورسوق ، خطا بزده در ؛ چونكه ، علم ، بزمه موهومه ظن ايتديكمز اوتصورلرك ، اجتماعي شائيتك تمثالي افاده لري اولديني ، بوكون كوستره بيلير . او حالده ، خلقه عائد تصورلرك موهومه بلكزمين ظاهرينه دكل ، شائيه مستند اولان باطننه باقالي يز . اوزمان ، خلقك موهومه لره بزدن داه اوزاق ، مفكورلره بزدن داه اياقن اولديني كوروريز . خلاصه ، غزبه لر مز ، مجموعه لر مز ، قوفرانس هئترلر مز ، وخالصه دارالفنومز ، خاق تربيه سته بويوك براهيمت ويرميلي ، فقط ، بو تربيه لك اساسي يالكز مثبت عامله صميسي وملي بر صنعتده كورمه ليدر .

